

餘姚縣誌
(光緒)
五

餘姚縣志卷二十二

名宦

三國 吳

朱然字義封丹陽故鄣人也

六字據朱治傳訂

嘗與孫權同書學

結恩愛至權統事以然爲餘姚長時年十九後遷山陰令

三國志本傳

縣城然爲令時所築

嘉泰會稽志他政蹟無攷惟縣之有城實

案然長餘姚

始於此雖後經改建已非故址肇造之功所不容沒今依舊志用冠此卷

朱桓字休穆吳郡吳人也孫權爲將軍桓給事幕府除餘

姚長遇疫癘穀食荒貴桓分部良吏躬親醫藥餐粥相繼

士民感戴之終青州牧

三國志本傳志作朱亘蓋避欽宗諱也

案嘉泰會稽

呂岱字定公廣陵海陵人也爲郡縣吏避亂南渡孫權統

事岱詣幕府處法應問甚稱權意召署錄事出補餘姚長
召募精健得千餘人會稽東治五縣賊呂合秦狼等爲亂
以岱爲督軍校尉與將軍蔣欽等將兵討之遂禽合狼五
縣平定拜昭信中郎將累封番禺侯三國志本傳案嘉
靖志稱岱寬簡有雅
量好賢愛士云云
未知所據俟攷

晉

山遐字彥休河內懷人也爲餘姚令時江左初基法禁寬
弛豪族多挾藏戶口以爲私附遐繩以峻法到縣八旬出
口萬餘晉書山濤傳案遐爲濤
子簡之子鄉貫依濤錄之

孫統字承公中都人令餘姚居職務大體不事苛細縣中
大治乃窮覽名勝酌酒賦詩士民喜覩其風采焉

嘉靖志
案居

職三語晉書本傳不載嘉泰會稽志亦第二云不留心碎務
嘉靖志雖去統時代較遠必有所本康熙志備錄其文今

之仍

宋

張永爲餘姚令有稱績

嘉泰會稽志

梁

劉杳字士深平原人爲餘姚令在縣清絜湘東王繹發教

褒美之

南史劉懷珍傳

沈瑀字伯瑜吳興武康人也爲餘姚令縣大姓虞氏千餘

家請謁如市前後令長莫能絕自瑀到非訟訴無所自通

以法繩之縣南又豪族數百家子弟縱橫遞相庇廕厚自

封植百姓甚患之瑀召其老者爲石頭倉監少者補縣僮

余兆系

卷二十二 名宦

二

皆號泣道路自是權右屏迹瑀初至富吏皆鮮衣美服以
自彰別瑀怒曰汝等下縣吏何自擬貴人悉使著芒屨麤
布侍立終日足有蹉跌輒加榜箠由是士庶駭怨瑀廉潔
自守故得遂行其意南史本傳 嘉靖志先是山陰呂文
人顧憲之臨郡表除之餘姚諸大豪更此兩人
鷹擊毛摯爲治皆屏息重足然細民頗安枕矣

唐

王恕字士寬太原人大厯中詔權知餘姚縣事時海寇初
殄邑焚田荒恕乃營邑室勑器用復流庸闢菑畬凡江南
列邑之政恕冠其首

乾隆府志引白居易
易王士寬墓誌

宋

謝景初字師厚陽夏人以甲科爲大理評出知餘姚視民

如子民所利害相緩急爲設方略務在利之姚北瀕海歲

苦海患爲築隄禦之詳在海隄記

案今志水利

境內多湖陂豪

強侵爲田具奏禁止民每爭水泉乃隱度湖陂之高卑廣

狹灌溉邛畝土門啟閉晷刻謂之規繩簿記之令諸鄉植

利戶詣官點對排列甲次定季巡視并置木榜敢違準違

敕旨論其後令王敘趙子瀟常褚皆梓之名曰湖經家給

之自是有盜湖爭利者證經乃息瀕海民多盜煮海禁之

不止乃頒示約束令民無失利法亦罔忤而鹽課倍昔又

飭勵學官化誨子弟當是時王安石知鄞韓縝知錢塘景

初知姚其弟景溫知會稽吳越令視此四人爲法

嘉靖志嘉泰

會稽志景初知餘姚梅聖俞以詩送之云云景初故知制

誥絳之子詩極高豫章黃庭堅娶其女自以爲從景初得

句法而景初之姑實歸聖俞其淵源所從來遠矣梅堯臣詩我從淮上歸君向海濱去安知無幾舍邂逅不相遇頗如飛空雲到月不得附月行既不留雲亦值風故誠知會合難豈是忘所赴我雖躡新屨心不忘舊履誰謂若世人食瓜思棄瓠君南我赴北日見鴻雁度茲欲遠寄書雁行且高據但謂金石言於時儻無忤范仲淹送謝廷評知餘姚詩世德踐甲科青紫信可拾故園特榮輝高門復樹立餘姚二山下東南最名邑煙水萬人家家熙熙自翺集又得賢大夫坐堂恩信敷春風爲君來綠波滿平湖乘興訪隱淪今逢賀老無文藻凌雲處定得江山助未能同先舟離尊少留駐行行道不孤明月相隨去

韓宗道字持正嘉祐四年進士知餘姚縣有治績授堂金石文字

續跋 梅堯臣送韓持正知餘姚詩君家二仲父連爲吳越宰錢唐與蕭山治蹟應無改魚鰕莫厭鯉網罟從人采天晴姚江清縣鼓潮翻海

李子筠爲餘姚主簿號李水晶初有茶商航海與海舶相遭更相疑爲盜鉦鼓交鳴格鬪殺傷十餘人繫理蕭山吏

求主名不能得連歲年不決時趙抃守越檄子筠治之子
筠曰犯時不知在律勿問具聞於州杖而遣之守以爲處
議當於法也甚任之

嘉靖志

陳宋輔仙居人覺民子也政和初進士召對首論二蔡坐
貶餘姚簿有名

嘉靖志

汪思溫字汝直鄞人擢甲科授雄州教授轉餘姚令姚鄞
壤連俗近思溫察於利害所舉民好所去民惡愛戴如父
母前令謝景初所築海隄歲久潮汐決齧思溫修其功並
海七鄉田盡復故又念水利大計曲慎其防語在湖陂記

案今詳

終顯謨閣學士

嘉靖志

李穎士字茂實福州人登進士第建炎二年知餘姚縣三

名宦

年金人入越州州守李鄴以城降穎士募鄉兵數千列旗幟以拒之金人不知地勢又不測兵多寡爲之小卻彷徨不敢進者一晝夜高宗得自定海登舟航海遷兩官擢通判州事紹興中爲刑部郎中

乾隆志引
揮塵三編

趙子瀟字清卿宋宗室廉能仁謹人也其知姚時有李程葉允者持縣事大豪也子瀟發其奸窮究事情論報具獄由是縣官始尊得一意治民又縣喜訟每投牒率千百子瀟口決手判無一弗稱平者好引縣人子弟趨於學新學宮厚廩餼給之及去縣民立碑誌思仕終龍圖學士

嘉靖志

楊襲璋字懷玉淮南人同上舍出身調餘姚尉能威制豪強窮捕海寇終其任盜竊屏息值淮南道梗不得歸百姓

喜爲營田宅居之遂卜家焉

嘉靖志

史浩字直翁鄞人代同縣魏杞尉姚其後浩與杞俱入相
世傳以爲盛事浩好修禮教捐俸購地作射圃創二亭每
朔望引諸生入射其中又封表嚴光墓道建客星庵祀之
乾道四年知紹興復置義田山陰會稽餘姚三縣湖田七
百餘畝地三十六畝山一百十六畝官至右丞相封會稽
郡王加封越王

嘉靖志參萬曆府志
宋史有傳

沈煥字叔晦定海人乾道五年進士授餘姚尉歷官幹辦
浙東安撫司公事歲旱常平使分擇官屬振卹煥得餘姚
上虞二縣無復流殍

宋史本傳

蔣綸字德言鄞人淳熙十年授餘姚縣十三年七月到任

邑素號壯縣綸以便親爲之貌不勝衣年又少吏民望而易之府主邛密一世吏師威望赫然綸一見白事當其意退而視篆遇事風生未浹日聲稱流聞滯訟冰釋兩造至前或片言折之無不厭服書判傳播道路皆以爲神明催科徭役綱目簡明不妄施一箠而官府夙辦受役者俛首聽令密及部使者大稱之以餘力修學校葺傳舍講序拜以崇義禮歌鹿鳴以勸多士應酬曲當下情益通纔半歲屬疾卒闔境相弔

樓鑰撰墓誌銘

湯宋彥本姓殷金壇人以祖敏肅廕入仕遷知餘姚前政多不善去宋彥推誠遇民吏聞善輒從民感其意吏亦喜爲盡力賦入常先諸邑以通判慶元府去任繼改浙東安

撫使參議官

乾隆志引
劉漫塘集

施宿字武子長興人其爲縣推經術以飾吏治不事細謹民所關大計勇毅任之尤加意風教修學宮及子陵祠市田置書教誨學者姚北瀕海歲役民修隄勞費甚宿於是稍爲石隄建莊田二千畝以備修隄之役功與謝景初同稱詳在海隄記

嘉靖志
隄今詳水利

案修

趙善湘字清臣宗室近屬昆弟皆以文儒自奮嘉泰閒

案乾

隆志作慶元二年今知餘姚縣聰敏豈弟多善政嘗新南

據孫應時南驛記正驛爲邑官到罷寓家之地邑人孫應時記之

孫應時撰
南驛記

元

馬驥鉅野人尉餘姚以廉幹聞父老立碑記其聲績

嘉靖志

脫脫字子安燉煌人初判黃巖累遷餘姚州達魯花赤廉明寬大平居持重人莫能窺其際臨事迅決張弛得宜民蒙其惠遷陝西行臺御史老稚涕泣攀送爲立遺愛碑碑燬於火復請史官歐陽玄爲文更置之

嘉靖志

李恭字敬甫關隴人爲知州廉平不苟又習文法吏奸不行先是州民役於官者必歲終乃代廢其生作恭爲更定每季代之州產紅小米令歲市白米充稅恭疏請以土產輸又營廟學乞增置師弟子員墾湖田數百畝益其廩勸立蒙古學每從學官弟子論難經義士民立碑頌德後避地餘姚卒州人哀金葬之元季之亂州人請以其子樞知餘姚明初改知奉化稱良牧

嘉靖志

宇文公諒字子貞歸安人以甲科任州同書之所爲必冊
記之夜乃焚香告天以明不欺存問耆老孤寡引儒碩遇
之有禮夏旱禱雨輒應民頌別駕兩累官廉訪僉事

嘉靖志

汪文璟字辰良常山人舉進士初判餘姚聲爲廉平擢翰
林編修詔擇循良復以文璟知是州任德弛刑細弱安利
有豪商武斷海瀕又奸出鹽利誣民文璟按治之然不爲
嚴誅務以長者化導之修舉庠序之教身課其業誘進諸
生有文翁之風歲旱徒跣禱山川七日得雨有秋海寇竊
發官兵壓境文璟從容應之百姓無擾及去任皆懷思其
德爲樹碑焉後浙江盜起文璟擇地避之曰不如餘姚其
民愛我乃家焉洪武元年卒年八十九

嘉靖志

郭文煜字彥達大梁人嗣文璟爲州以化治稱其後有盧

夢臣者名聲等於文煜州人並見思焉

嘉靖志

傅常字仲常鉛山人舉進士調餘姚判官嘗視州符奸沮

滯決吏民服之至正

年分原佚

秋海上有警宣閩檄常偵賊定

海而常所受徒民兵與賊遇弗敵死之常居官有冰檠聲

戍海之役借人一裋褐以往其在海上念其母每泣數行

下蓋忠孝廉潔之士實不知兵死皆惜之母及其兄不能

歸因以爲家

嘉靖志

劉輝字文大汴人爲州同知郡守下輝均田賦是時州籍

燬於火豪猾乘時詭匿甚難蹤迹輝手植二柏於庭禱之

曰事成則榮不成則否乃躬履畝鱗次圖之曰魚鱗圖置

流水簿兜圖之實又爲鼠尾冊定上中下三戶均其徭役
每田一邱給民印署烏由一紙令按由檢田卽無由莫敢
業田也於是還其田之匿於民者萬七千二百畝有奇先
是輝受府檄出舍於外晝夜隱度鬢髮爲改及是賦役平
柏果榮吏民愛之如甘棠樹碑記之

嘉靖志

葉恆字敬常鄞人判州有幹局堅忍耐事籌畫久遠數延
見父老行誼之士詢咨政理姚有禦海隄潮汐決齧海移
內地歲備海修隄垂四十年而患益甚乃更置石隄二千
四百餘丈自是遂無海患會稽楊維禎爲文記之至正閒
錄隄功追封仁功侯立廟餘姚詳在水利

嘉靖志參
乾隆志

桂德稱字彥良以字行慈谿人初爲包山山長移長高節